



„Savez poljoprivrednih udruženja Konjic“
Varda bb, 88400 Konjic

Telefon: 036 735-040 i 036 735-041, fax 036 735-041
www.poljoprivredakonjic.ba



ODRŽAN

„KONJIC FOOD-FEST 2010“



Općina Konjic, Komuna Sound iz Norveške, Savez poljoprivrednih udruženja Konjic, i Turistička zajednica Konjic, organizovali su I Festival hrane „Konjic Food Fest 2010“, koji je održan u dane 07 i 08. 10. 2010 godine u Konjicu.

Pripreme za ovaj Festival trajale su više mjeseci, a svim pripremama, kao i samom realizacijom manifestacije rukovodio je Organizacioni odbor, koji se sastajao veoma često i realizovao Planom zacrtane aktivnosti.

Manifestacija Festival hrane „Konjic Food Fest 2010“ počela je 07.10.2010 oko 09,00 sati, kada su prijavljeni izlagači počeli sa izlaganjem svojih proizvoda.

Priprema i montaža za ovu priliku urađenih stolova, počela je nekoliko dana ranije.



Za učešće na Festivalu iako se prvi put organizuje prijavilo se oko 70 izlagača, što je i same organizatore iznenadilo. Među prijavljenim uz domaće izlagače značajno mjesto zauzeli su i izlagači sa strane.

I sama posjeta kupaca, bila je iznad očekivanja, što su potvrdili i izlagači robe, koji su posebno neke vrste robe, prodali više nego što su očekivali.



Po programu Festivala zvanično otvaranje predviđeno je za 12,00 sati, a izlagačima i gostima su se obratili i pozdravili:

Ispred Federalnog ministarstva poljoprivrede, vodoprivrede i šumarstva profesor dr. Vjekoslav Selak



Ispred Saveza poljoprivrednih udruženja Konjic, predsjednik Saveza Nusret Avdibegović



Ispred Komune Suund iz Norveške gospodin Ivar Staisland



Ispred općine Konjic, prisutnima se obratio načelnik općine Konjic gospodin Emir Bubalo, koji je i predsjednik Organizacionog odbora Festivala i koji je I Festival hrane „Konjic Food Fest 2010“ uz prisustvo velikog broja gostiju zvanično otvorio.

Na Festivalu „Konjic Food Fest 2010“, mogli su se kupiti ili naručiti proizvodi: voće (jabuke, kruške, šljive, kesteni, maline), povrća (paradajz, luk, paprika, krompir, mrkva, kupus i drugo), kao i razne vrste proizvoda od voća i povrća: džem, pekmez, bestilj, marmelada, sokovi, sirče, ajvar, razne vrste sušenog voća i povrća, više vrsta sira, među kojima posebno Repovački, Travnički, sir iz mijeha sa Visočice, Sve vrste meda i proizvoda na bazi meda i drugih pčelinjih proizvoda, ljekovito bilje i proizvodi na bazi ljekobilja i drugo.





Poljoprivredni proizvođači s područja općine Konjic i šire, i na ovom prvom Festivalu u Konjicu, kao i na Danima poljoprivrede općine Konjic, koji je nedavno održan i koji se već tradicionalno održava u Buturović Polju, uz veliko iznenađenje prisutnih pokazali su šta sve mogu i hoće proizvesti na svojim poljoprivrednim – porodičnim imanjima.

Asortiman ponuđenih proizvoda bio je veoma bogat i raznovrstan, a o kvalitetu nema potrebe ni govoriti, jer je bilo dovoljno doći i vidjeti, a posebno treba znati da sve što je nudeno, proizvedeno je na područjima koja su ekološki čista i bez upotrebe sredstava koja su u poljoprivredi danas veoma prisutna.



Veliki broj izlagača i posjetilaca je pokazatelj da se ideja organizovanje Festivala hrane u Konjicu pokazala opravdanom, a opravdanost ideje je potvrdilo prisustvo Festivalu i značajnog broja gostiju, među kojima su bili i predstavnici Federalnog MPVŠ, Ministarstva PVŠ HNK, Poljoprivredno prehrambenog fakulteta iz Sarajeva i Mostara, Federalnog zavoda za poljoprivredu, Federalnih i Kantonalnih udruženja iz oblasti poljoprivrede i drugih gostiju






Izlagачi, gosti i posjetioци sve potrebne informacije o Festivalu, mogli su dobiti na Info punktu, na kojem su informacije pružale članice Stručne službe Saveza poljoprivrednih udruženja Konjic ili učenice srednje Poljoprivredne škole iz Konjica.

Na stolu Saveza poljoprivrednih udruženja Konjic, koji su hranom veoma bogato opremile članice Stručne službe Saveza, u čemu su pomogli i neki izlagачi, mogli su se probati domaći proizvodi, kao što su: počeno meso, razne vrste pita, sir, voće, povrće, razne vrste kolača, pa čak i pečenih kestena koji su za mnoge goste bili prava atrakcija i koji su ih sa zadovoljstvom probali.





Posebno mjesto i ulogu na Festivalu „Konjic Food Fest 2010“ imali su gosti iz komune Soound iz Norveške, koji su i jedan od organizatora Festivala i koji su se veoma pohvalno izrazili o organizaciji Festivala.



Gosti iz Norveške su na Festivalu pripremali hranu od konjičkih proizvoda na norveški način i iste dijelili posjetiocima. Veliki broj posjetilaca je imao priliku da proba specijalitete koje su Norvežani pripremali, dali komentare, koji su bili veoma pozitivni





Organizacioni odbor je i u samom toku Festivala, zajedno sa delegacijom iz Norveške držao sjednice. vršio analizu i planirao naredne aktivnosti



Po programu Festivala, predviđena je i edukacija za poljoprivredne proizvođače, koja je održana u sali Općine i koju su u prepunoj Sali održali profesori i asistenti s Poljoprivredno prehranbenog fakulteta iz Sarajevu.



“Konjic food-fest 2010” svojim zabavnim programom, pri samom otvaranju uljepšala su djeca iz Konjičkog obdaništa, koja su svojim zabavnim igrokazom pobrala simpatije i aplauze prisutnih. Aplauze su zaslužili i dobili i ostali učesnici u kulturno-zabavnom programu a oni su : KUD “ Preporod” Konjic, HKD “Napredak” Konjic, vokalna solistica Anida Šoljić, i na kraju ”Konjički tamburaši”.



Pripremom i realizacijom festivala, rukovodio je Organizacioni odbor, na čijem je čelu bio načelnik općine Konjic gospodin Emir Bubalo, a direktor Festivala, predsjednik Općinskog Vijeća Konjic, gospodin Ivica Ružić.

U radu Organizacionog odbora, pripremi i tehničkoj realizaciji Festivala, poseban doprinos dale su članice Stručne službe Saveza poljoprivrednih udruženja Konjic.



Organizacionom odboru i članicama Stručne službe Saveza posebno su u dane Festivala pomogli učenici Srednje poljoprivredne škole iz Konjica sa profesoricom Aidom Bubalo, koji su uz obavljanje svih potrebnih poslova u toku Festivala izložili i proizvode koje su za ovu priliku sami pripremili.



Posebna zahvalnost rukovodstvu i zaposlenim u Javnom preduzeću „Standard“ Konjic, za ogroman doprinos u toku tehničkih priprema i realizacije Festivala.

Organizacioni odbor je odmah po završetku Festivala, održao sjednicu na kojoj je izvršena analiza toka Festivala i opća je ocjena da je Festival uspješno organizovan i realizovan. Općeprihvaćen stav je i da se sva pozitivna iskustva iskoriste prilikom priprema i realizacije narednog Festivala, tj “Konjic food-fest-a 2011”.

Konjic, oktobar 2010. godine

ORGANIZACIONI ODBOR